




REPUBLIKA E KOSOVËS
REPUBLIC OF KOSOVO / REPUBLIKA KOSOVA



KOMUNA E SHTIMES
MUNICIPALITY OF SHTIME / OPSTINA STIMLJE

ZYRA E KRYETARIT TË KOMUNËS

/KANCELARIJA PRESEDNIKA OPSTINE / MAYOR'S OFFICE

16/07/2024
02/784/1

ZYRA PËR INFORMIM / INFORMATION OFFICE / KANCELARIJA ZA INFORMISANJE

Procesverbal nga takimi i parë publik me qytetarë për Raportin e Punës së kryetarit të komunës së Shtimes, Qemajl Aliu, për gjashtëmujorin e parë të vitit 2024, e mbajtur më 28 qershor 2024, në ora 15:00, në Sallën e Kuvendit.

Në mbledhje kanë marrë pjesë: Kryetari i Komunës së Shtimes, Qemajl Aliu, drejtorë komunalë, zyrtarë komunal dhe qytetarë.

Qemajl Aliu: Përshëndetje për të gjithë juve qytetarë të nderuar, asambleistë, kolegët nga administrata e komunës sonë, ju falënderoj për pjesëmarrjen tuaj në këtë takim, falënderoj edhe bashkëpunëtorët që janë prezent këtu, pa të cilët këto projekte dhe këto punë nuk do të ishin implementuar. Para jush sot do të prezantoj raportin gjashtë mujor, pra nga muaji janar deri qershor të këtij viti, ku në këtë prezantim të shkurtër do të prezantojmë disa nga projektet kryesore që bashkarisht me ekzekutivin, me punonjësit e administratës por edhe me legjislativin dhe bashkëpunëtorët i kemi quar përpara. I falënderoj të gjithë, duke filluar edhe nga drejtorët, përkrahjen që e kemi marr në asamble, e po ashtu punë të shtetëzuar kanë bërë edhe punëtorët e administratës të cilëve u janë mirënjohës, e normal gjithmonë shumë mirënjohës qytetarëve të Komunës së Shtimes, e ne po mundohemi që besimin që n'a kanë dhënë, t'ua kthejmë më punë të mira.

Ju e dini, që për shkak të kushteve meteorologjike dhe menagjimit të financave, punët në teren fillojnë dikur nga fundi i prillit ose fillimi i muajit maj dhe ky raport gjashtë mujor i fillimvitet përmban më pak projekte se sa raporti i gjashtëmujorit të dytë.

Edhe pse është vetëm gjashtëmujori i parë, punë janë bërë shumë, por janë edhe shumë punë për tu bërë e që do të bëhen.

Pasi t'a përfundoj prezantimin e raportit, mund të bisedojmë dhe të shtroni pyetje lirisht, por mund të jepi edhe sygjerime e vërejtje.

Motoja e jonë ishte 'Shtimja urbane' e cila edhe vazhdon të jetë e që po mundohemi përmes projekteve konkrete qytetit e Shtimes t'a zhvillojmë e t'a bëjmë një qytet urban.

Jemi shumë të lumtur dhe singërisht kënaq sepse që në vitin e dytë të qeverisjes sonë kemi arritur ta fitojmë grantin e performancës. Ky grant është një çmim i cili ndahet për komunat që performojnë më së miri, e komuna jonë është një nga ato komuna që ka performuar më së miri, e cila ka menagjuar më së miri si në aspektin ligjor por edhe në atë të efikasitetit dhe menagjimit të

buxhetit. Prandaj si efekt i kësaj qeverisje të mirë, që e kemi bërë bashkarisht, komuna jonë e ka përfituar këtë çmim dhe kemi fitur rreth 400 mij euro më shumë për qytetarët e komunës sonë.

Pra, puna e mirë, përveq që vlerësohet me një mirënjohje, me një dokument, vlerësohet edhe me një shumë që realisht nuk është e pakët, të cilat do ti orjentojmë kryesisht në ndriqimin publik në teritorin e komunës sonë. Rreth 400 mij euro, ne kemi vendos ti investojmë në ndriqimin publik si në qytet por edhe në fshatra.

Sa i përket buxhetit, është 10.9 milion euro për këtë vit, këtu është llogaritur edhe granti që e kemi përfitu nga granti i performancës por edhe nga të hyrat vetanake që ishin 300-400 mij euro më shumë, kjo tregon që qytetarët e Komunës së Shtimes kanë zell për të paguar taksa dhe tatimet më shumë dhe kjo përkthehet në një vlerësim që i bëjnë punës sonë dhe një besim që kanë krijuar në qeverisjen tonë transparente, parimore dhe të drejtë, për të cilën u jemi mirënjohës dhe do të mundohemi që këto taksa t'ua rikthejmë me projekte dhe punë që janë prioritare dhe që ndikojnë direkt në përmirësimin e jetës së tyre.

Mund ta përmendim edhe institutin GAP, është një nga indikatorët kryesorë të punëve të komunave, ku Komuna e Shtimes sipas këtij instituti 98% të buxhetit për shpenzime kapitale i ka realizu në vitin 2023. Jemi kranarë që jemi në mesin e 5 komunave që kemi arritur këtë sukses.

Ju e dini që një nga zotimet tonë, që nga fillimi i mandatit para qytetarëve të komunës sonë ishte që Memoriali i Masakrës së Reçakut nuk është në gjendjen që e meriton për shkak të përmasës që ka patur në historinë tonë më të re, për shkak të kthesës historike që ka patur kjo ngjarje dhe jemi duke punuar që këtë memorial, menjëherë pas memorialit të Jasharajve, t'a bëjmë projekt nacional. Me 15 janar të këtij viti, Qeveria e Republikës së Kosovës, përkatësisht Ministria e Kulturës e ka miratuar si projekt nacional të dytë pas atij të Jasharajve.

Shumë shpejt pra do t'a kemi një kompleks me përmasa kombëtare, sepse ne e dimë që si komunë nuk kemi fuqi të bëjmë kaq investime që ta trajtojmë ashtu siç e meriton ky memorial.

Një vendim i mirë që kemi marrë në kuvend, është edhe ai për nënat lehona, 100 euro për fëmijën e parë, 150 për të dytin, 200 për të tretin, 500 për binjakët edhe ky ishte zotimi ynë dhe që në tremujorin e parë të këtij viti kemi filluar me i nda këto mjete, por për çdo vit do ta analizojmë këtë shumë dhe shpresoj që të kemi edhe rritje.

Sa i përket kategorive të dala nga lufta, në nderim dhe rrespekt e mirënjohje për këto kategori për kontributin që kanë dhënë për lirinë e shtetit tonë, ne jemi mundu që t'ua lehtësojmë pak dhe kemi marr vendim që t'i lirojmë nga taksat komunale për regjistrimin e automjeteve për veteranët e UÇK-së.

Po ashtu një nga ngjarjet që është mirëpritur gjatë këtij gjashëmujori të parë të këtij viti ishte edhe funksionalizimi i qendrës së inovacionit përmes një bashkëpunimi që kemi me një organizatë, kemi arritur t'a bashkëfinancojmë një projekt për 150 nxënës më të suksesëshëm nga shkollat fillore, të kenë mundësi të ndjekin trajnime në fusha të ndryshme, që përveq shkollimit bazë të kenë mundësi ti zhvillojnë shkathtësitë e tyre edhe në fushat ku kanë prirje më shumë.

Ne e dimë që Lumi Shtimjanja është një lumë që thuhet se përshkon të gjithë teritorin e komunës sonë, është një lumë që e begaton komunën tonë, por herë pas herë na qet edhe dëme për shkak të trajektoreve natyrale e nuk kemi arritur akoma ta trajtojmë ashtu siç trajtohen shtretërit e lumenjëve

duke e patur parasysh që sidomos fshatrat e rrafshit mund të kenë vërshime. Ne kemi insistuar nga fillimi dhe kemi trajtuar një fond që shtrati i lumit të trajtohet ashtu siç duhet dhe i jemi mirënjohës ministrit Aliu për ndarjen e 5 milion eurove për trajtimin e shtratit të lumit dhe me këto 5 milion euro, që punët do të fillojnë brenda 2 apo 3 javëve, do të trajtohet fillimisht nga pjesa ku hyn dega e lumit nga Reçaku në Shtime deri në fund të Vojnofcit dhe jemi me shpresë që vitin e ardhshëm do të ndahet edhe një fond tjetër, që të trajtohen edhe dy degët tjera të lumit Shtimjana, ajo në drejtim të Mollopolcit dhe ajo në drejtim të Carralevës.

Investime kapitale- Unaza e vogël është në prag të përrurimit është në fazën finale. Po ashtu stadiumi i qytetit që vjet kemi bërë një ndërhyrje në platon dhe me bari sintetik të sdatiumit, ju kemi kushte me normale sportistëve të komunës tonë dhe përmes një projekti të financuar nga Ministria e Kulturës që është 2.4 milion euro, po punohet me një dinamikë të shpejtuar që ky stadium të bëhet me tribuna.

Asfaltimi i rrugës "17 Shkurti" pritet të përrurohet brenda 10 ditëve të jashtme, punët kanë mbaruar plotësisht, është një rrugë që to të lidhet me segmentin Pjetërshticë, Carralevë, Zborc, Godanc i Poshtëm, Godanc i Epërm dhe do ta nxjerrë në fshatin Gjurkoc, dhe tani përveq aksit natyror që ka pasur komuna e Shtimes dhe fshatrat për të kaluar nëpër qendër, tani trafiku do të ketë shkarkim dhe një pjesë e madhe e qytetarëve mund të kalojnë nga ai aks rrugor.

Asfaltimi i Zonës Ekonomike në Gllavicë, është projekt që do ta lidhë zonën ekonomike me rrugën Shtime-Koshare, projekt me vlerë diku afro 1 milion euro.

Me ministrit Aliu kemi nënshkruar edhe një memorandum bashkëpunimi, ku Ministria e Ambientit dhe Infrastrukturës, finoncon disa rrugë që janë shumë të mirëseardhura për komunën tonë. Asfaltimi i rrugës Carralevë-Pjetërshticë-Dugë, ju e dini që fshati Dugë është njëri nga fshatrat më të bukura sa i takon relievit malor në komunën tonë, po që infrastruktura rrugore atje mungon dhe që rruga aktuale që tani është nuk graviton në teritorin e komunës tonë, ajo në aspektin kadastral del të jetë në zonën e Suharekës dhe kemi kërkesë nga fshatarët e Dugës për asfaltimin e kësaj rrugë, do të investohen 500 mij euro dhe ky projekt do të fillon brenda dy muajve të ardhshëm.

Asfaltimi për lidhjen e rrugës "12 Qershori" me rrugën "Ëilian Ëalker", rrugë kjo që po ashtu do të investohen 500 mij euro, për ta thjeshtuar është rruga e Reçakut, do të lidhet me rrugën "12 Qershori" dhe kjo është ajo që e kemi quajtur Unaza në drejtim të Ferizajt, pra të gjitha veturat dhe makineritë që vijna nga drejtimi i Prizrenit, ato që kanë orientim të shkojnë në Ferizaj apo anasjelltas, nuk kanë nevojë më të kalojnë mes qytetit, por bëhet shkarkimi përmes kësaj unaze.

Janë asfaltuar shumë rrugë edhe nëpër fshatra të ndryshme, si në Vojnofc 69,641euro dhe Gjyrkoc në vlerë 49,950 euro.

Përfundimi i asfaltimit në zonën që po i jep frymë zhvillimi Komunës sonë, Parkun Teknologjik. me vlerë prej 57,868.53 euro

Asfaltimi i rrugëve në Belinc me vlerë të përgjithshme të investimit 38,242.14 euro,

Rruga me gjatësi 154 metra është transformuar tërësisht, duke u mundësuar nxënësve qasje më të lehtë dhe më të sigurt drejt Gjinnazit "Naim Frashëri", vlerë të kontratës prej 45,849.50 euro.

Pas adaptimit të çerdhës në Muzeqinë, po zhvillohen me ritëm të lartë punimet në çerdhen e re që ka marrë formë në Godanc, por do ta rivalizojmë edhe çerdhen tjetër në qytetin e Shtimes. Brenda këtyre 4 viteve pritet që të funksionalizohen katër qerdhe në komunën tonë.

Biblioteka dhe arkiva e komunës janë projekte shumë të bukura, që është investuar rreth 378 mij euro, që shumica e qytetarëve tanimë i kanë parë, pritet vetëm inventarizimi, që shumë shpejtë do të përfundojnë edhe ato dhe do të jenë në shërbim të dashamirëve të leximit.

Bursat për studentë, ju e dini që ka qenë edhe zotim e prioritet i yni mbështetja e studentëve. I kemi gjetur 24 bursa nga qeverisja paraprake, ndërsa këtë vit kemi arritur të ndajmë 100 bursa për studentët e komunës sonë, e vitin stjetër do ti bëjmë 120 e ndoshta edhe më shumë.

Një ngjarje e mirë këtë vit ka qenë edhe fillimi i vaksionimit të fëmijëve kundër kancerit të qafës së mitrës, vaksinë kjo që në Evropë ka filluar të implementohet vite më parë dhe është fat i mirë që tani kjo vaksinë do të jetë edhe pjesë e kalendarit të vaksinave edhe në Kosovë.

Në fushën e bujqësisë kemi ndarë subvencione janë diku afro 35 mij euro, për fuqizimin e burrave dhe grave përmes serrave dhe laktofrizëve. Ne mundohemi që fondet tona që i kemi ti bashkërendojmë me organizata të ndryshme që operojnë në Kosovë, në mënyrë që kjo shumë të rritet dhe në adresë të bujqëve tanë të shkojnë sa më shumë subvencione.

Ndërsa sa i takon subvencionimit të klubeve sportive, ne i kemi gjetur rreth 3 mij e 500 euro që janë ndarë nga qeverisjet e kaluara për sportin dhe këtë vit kemi arritur të ndajmë rreth 61 mij euro për sportistët dhe e dimë që nevojat janë më të madha se kaq por kjo është prap një shumë domethënëse në raport me atë që është ndarë në të kaluarën.

Edhe jëtë kulturorë jemi munduar ta begatojmë dhe ta ringjallim, fatmirësisht e gëzojmë një objektiv të mirë, siç është shtëpia e kulturës, e cila ishte e pafunksionalizuar dhe kemi gjetur një varfëri në aspektin kulturor, ajo godinë më shumë ishte përdorur për mbledhje komemorative dhe tubime politike dhe ne kemi arritur që kalendarin e shfaqjeve kulturore dhe edukative ta përmbushim, vetëm gjatë kësaj periudhe gjashtëmujore të këtij viti, janë dhënë 3 premiera, art i prodhuar nga komuna jonë, por gjatë muajve ka pas edhe shfaqje të tjera.

Një nga oremtimet tona ishte edhe laboratorit spitalor në QKMF të Shtimes, i cili është funksional që para një muaji, dhe në vazhdim do ta paisim me aparaturë me moderne por edhe duke e shtuar numrin e analizave.

Ju e dini që në Komunën e Shtimes, përveç QKMF-së kanë qenë funksionale vetëm edhe dy QMF-ja nëpër fshatra, dhe zotimi ynë ishte që do ti hapim edhe dy qendra të tjera, të cilat veqse kanë egzistuar po nuk kanë funksionuar, ne kemi investuar në to dhe i kemi adaptuar për të qenë objekte bashkohore për QMF.

Ju e dini që kemi ndërtuar edhe parqe të ndryshme në qytet por edhe në fshatra të komunës sonë, këtë vit kemi ndërtuar një në fshatin Godanc i poshtëm dhe të ulët, një në Muzeqinë dhe një në Rashincë ku kanë mungur dhe me këtë trend do të vazhdojmë në secilin fshat që të jetë një praktik dhe një kënd i lodrave për fëmijë.

Sa i takon mbështetjes së OJQ-ve, për këto gjashtë muaj i kemi subvencionuar me 23 mij euro. Projekt që është pritur shumë mirë nga viti i kaluar, është ai i kabinave të pritjes për autobusë, që këtë gjashtëmujor kanë vazhduar edhe në fshatrat Muzeqinë, Carralevë, Gjurkoc, Shtime dhe Godanc, projekt ky që do të vazhdon në secilin vendbanim.

Një nga projektet më të mira dhe më inovative, jo vetëm në Komunën e Shtimes, po në gjithë Republikën e Kosovës është hapja e Observatorit dhe Planetariumit Kombëtar të Kosovës, i vetmi në Kosovë që deshti fati të jetë pikërisht në komunën tonë, janë investur diku mbi 310 mij euro nga Ministria e Arsimit, e po ashtu infrastruktura përcjellëse është kryer nga Komuna e Shtimes dhe ju e keni parë që para pak javësh së bashku me ministren Nagavci dhe miqët tanë amerikan që ishin edhe donatorë të teleskopëve më modernë dhe kjo dotë jetë një qendër ekselente për vrojtimin e trupave qiellore nga astronautët dhe nga të apasionuarit e astronomisë nga i gjithë territori i Kosovës e më gjerë.

Pardje e kemi përruar edhe një nga kështjellat, kazermat ose kullat që sipas ushtarëve të UÇK-së, eprorëve dhe dëshmitarëve në komunën tonë kishte edhe më herët ushtarë të UÇK-së, por dalja legale dhe vendosja e tyre në një objekt nga Zona e Pashtrikut dhe Zonës së Drenicës në Zonën e Nerodimes ka filluar pikërisht me datë 26 qershor të vitit 1998 në një shtëpi që është dhuruar nga familja Halili në fshatin Rancë, dhe në nderim të kësaj, ne kemi investuar në ringritje të këtij shtabi që është investim i Komunës së Shtimes dhe Ministrisë së Kulturës, vitin e parë të qeverisjes e shturam rrugën dhe këtë vit së bashku me protagonistët e ngjarjes, përfaqësues të veteranëve, familje të dëshmorëve dhe invalidëve parje përruam së bashku "Shtabin e Rancës" dhe është një nga ngjarjet më të mira.

Një ngjarje tjetër është edhe ngjarja e shpalljes "Qytetar Nderi", të një miku shumë të rëndësishëm, jo vetëm të Komunës së Shtimes por të gjithë Republikës së Kosovës është avokati Harmut Ganzke, i cili është profesor dhe deputet, person i cili e ka meritur plotësisht këtë çmim për punën që ka bërë për hapjen e dyerve për ne si Komunë e Shtimes, ky person na ka pritur dhe miqësuar me 12 komuna në Gjermani me të cilat kemi një bashkëpunim shumë të mirë.

Ju falemnderit shumë! Këto ishin disa nga ato ngjarjet dhe projektet që kemi bërë këto gjatëmuajt të këtij viti, por janë edhe shumë plane e projekte që janë në fazë të punimeve por edhe drejt përfundimit.

Tani, nëse ju qytetarë të nderuar keni ndonjë pyetje ose ide e sygjjerime, unë jam i gatshëm t'u përgjigjem.

Hysen Hoxha (Gjyrkoc): Falemnderit kryetar për këtë prezantim. Unë i kam përcjellur ngjarjet, kam punuar shumë në gurbet dhe jam shumë i kënaqur kur e shoh që keni dëshirë e vullnet për vendin tonë. Si ambientalist që jamë, i shoh shumë biznese që hapësirat para objekteve-bizneseve të tyre nuk i mirëmbajnë siç duhet, ato po e shëmtojnë pamjen rreth tyre.

Shoh shumë qytetarë që nga gjyrkofc e davidofci vij në këmb në Shtime, kjo është mirë për shëndet, por rrugës janë ato biznese duhet ta kuptojnë dhe të kujdesen për ambientin para tyre, as hedhja e ujit në rrugë publike nuk është në rregull që shumë herë ndodh nga ana e tyre.

Për ndryshe ju uroj sukses juve kryetar, jeni të ri, vazhdoni të punoni kështu.

Muhamet Hoxha: Përshëndetje për të gjithë të pranishmit. Nuk dua të zgjatem shumë, por përball sfidave që kemi pas, megjithatë po arrihet që me punë, përkushtim, transparencë, llogaridhënie që Shtimen t'a bëni urbane e si dëshmi është edhe buxheti i këtj viti i ndarë nga qeveria e Kosovës.

Dua që t'i paraqes disa nga kërkesat e kahershme të disa grupove nga Shtimja e natyrisht edhe disa shqetësime të qytetarëve. Më vjen keq që drejtoresha e kulturës nuk është këtu, por sidoqoft është një kërkesë e kahershme e komunitetit të artistëve që Shtimja të ketë dhe të identifikohet me një event, me të cilin identifikohen edhe komunat e tjera, të ketë një festival.

Po ashtu një kërkesë e veteranëve të aktrimit është mundësia e themelimit të teatrit gjysëmprofesionist, kur dihet që Shtimja ka bagazh profesional.

Nga sfera e shëndetësisë, sa u takon barnave esenciale këto dy muajt e fundit sidomos mungojnë për të smuarit kronik kardiovaskular, ju e dini që është piku i verës dhe temperaturat janë ekstrem të larta dhe një numër i madh i qytetarëve kanë nevojë për këto barna, pse po ndodh kjo pasi mjete të konsiderueshme janë ndarë për këtë qësjtje.

Sa u takon shërbimeve publike ka shqetësime te sheshi i qytetit dhe para qendrës tegëtare Eli-ab, e dim që faji është i operatorit, por a mundeni të ndërmerri masa në këtë drejtim.

Një shqetësim tjetër është edhe ndriçimi publik, banorët e rrugës "Muhamet Mustafa", kanë biseduar për këtë qësjtje edhe me drejtorin e shërbimeve publike dhe ka qenë kërkesë edhe nga një antare e kuvendit komunal dua të pyes se a do të ketë mundësi që të rregullohet kjo qësjtje.

Një brengë e disa qytetarëve të cilët përballen me një telashe është edhe parkingu i veturave nëpër rrugë e rrugica të lagjeve, kërkohet një shenjëzim zyrtarë dhe të intervenohet.

Edhe një kërkesë tjetër kryetar, rrespekt për jetën dhe punën e të ndjerës Fahrije Rexhepi dhe pensionimin e Ylber Imerit, pasi jemi në prag të pushimeve verore dhe bashkatdhetarët kanë nevojë për dokumentacion, dëlat që te ofiqaria tani ka mungesë të stafit, por a do të kompletohet stafi që të jetë sa më efikas.

Falemnderit shumë!

Qemajl Aliu: Falemnderit shumë Muhamet për pyetjet. Ka vite që ne jemi në bisedime me drejtorinë e kulturës por edhe me shumë artistë për themelimin e një festivali, ka mundësi që vitin e ardhshëm të startojmë me një festival, gjë që i ka munguar deri tash. Sa i takon themelimit të teatrit, unë kam bërë kërkesë në Ministrinë e Kulturës sepse ajo duhet të miratohet nga kjo ministri, pasi që financimi dhe pagat do të jenë nga ata, ministri i kulturës dhe ministria janë të interesar që të bjënë diçka edhe në ato komuna të vogla që kanë teatro, pasi që ato kanë të punësuar, por nuk prodhojnë art dhe çka kemi bërë ne, e kemi bërë Asamblin "Ilirida" dhe kemi parë që aty po bëhet një punë e jashzakonshme dhe shumë të rinjë po e japin kuntributin me pasionin e tyre.

Ndërsa sa i takon pyetjes për atë para Eli-abit, ne jemi në fazën e fundit të kontraktimit të një kompanie për mirëmbajtje dhe me të lidhur kjo kontratë ne menjëherë do të veprojmë.

Po ashtu ndriçimi publik është e njejta situatë, ju e dini që llampat e ndriçimit publik e kanë një jetëgjatësi dhe ato duhet të zëvendësohen dhe për këtë është duke u lidhur kontrata që të gjitha

llampat e ndriçimit publik të zëvendësohen. Diku rreth 500 mij euro do të jetë kontrata për krijimin e ndriçimit të ri në të gjithë territorin e Komunës së Shtimes.

Sa u takon barnave, sistemi shëndetësor funksionon në atë mënyrë që barnat esenciale për të gjitha komunat, por edhe spitalet rajonale dhe QKUK furnizohen nga Ministria e Shëndetësisë përmes fondit. Ministria e Shëndetësisë ka pasur probleme me operator në lidhjen e kontratës, përndryshe, nësi komunë i kemi gjetur 35 mij euro që i ka ndarë pushteti i kaluar në vitin e fundit, ndërsa në vitin e parë të qeverisjes nga 35 mij euro, kemi ndarë 110 mij euro për barna sepse vet vij nga profesioni i mjekësisë dhe kam parë nevojën për këto barna. Diku rreth 156 mij euro kemi lidhur kontratë 2 vjeçare për furnizim me barna nga taksat e Komunës së Shtimes dhe ka më shumë se 10 ditë që barnat në QKMF-të e Shtimes nuk mungojnë, pra tash edhe 2 vitet e ardhshme do të ketë mjaftueshëm barna. Por është një lajm shumë i mirë për qytetarët, në veçse e kemi lanësuar projektin e një objekti të mrekullueshëm të QKMF-së së re të Komunës së Shtimes dhe po besoj që me hapjen e katër QKMF-ve dhe me ndarjen e fondeve qoftë për paisje, qoftë për barnat që i përmendëm, zotimi ynë për një shëndetësi model edhe për komunat tjera do të ndodh në komunën tonë.

Ndërsa në pyetjen tjetër, na ka rastisur që dy veteranë të ofiqarisë shtimjane siç është Ylber Imeri dhe Idriz Hasani, arritën moshën e pensionimit dhe fatkeqësisht edhe zonja Fahrije Rexhepi na pikëlloi me ikjen nga kjo botë në mënyrë të paparalajmëruar dhe të parakohëshme dhe tani jemi në procedurat e rekrutimit të stafit sepse duhet një periudhë e rekrutimit, po shpresojmë që brenda një kohe të shkurtër të kemi mjaftueshëm staf që t'u gjinden edhe mërgimtarëve ndërsa Ylber Imerin, duke e parë nevojën deri të plotësimin e stafit, kemi arritur që t'a kthejmë përkohësisht përmes një kontrate që është e lejuar.

Muhamet Ademaj: E falenderoj kryetarin dhe të gjithë të pranishmit sot në këtë takim. Edhe ne jemi të brengosur sa i takon mjedisit dhe mbrojtjes së mjedisit, dihet që shumë qytetarë nuk marrin pjesë osë nuk bëjnë pagesën e mirëmbajtjes për mbeturiat për shërbimet që ofron kompania për pastrim, përderisa mos të kyqen të gjithë qytetarët në pagesën e kësaj tarife, që nuk është shumë e madhe rreth 6 euro në muaj, atëherë nuk mundemi me e pas një ambient të pastërt në komunën tonë. Jemi dëshmitar të asaj që qytetarët kujdesen për pronën e tyre private, ndërsa në pronat publike gjendja është krejt ndryshe dhe hudhin mbeturina. Duhet të krijohet vetëdijësimi te qytetarët që t'a mbrohet ambienti.

Ndërsa te shtyllat eiektrike, kishte qenë mirë që ato të largohen nga vendet ku nuk janë të vendosura mirë por edhe nëpër fshatra, kishte qenë mirë që kabllot të vendosen edhe nën tokë sepse shpesh herë paraqesin rrezik për qytetarët.

Behar Sejda: Përshëndetje dhe i kam disa pyetje për kryetarin. Rrethojat e QKMF-së në fshatin Muzeqinë më shumë gjasojnë me një burg se sa më një institucion shëndetësor. E po ashtu dashta të pyes sa i përket sinjalizimit të rrugëve në qytetin e Shtimes, që me të vërtetë mungojnë shumë, dhe besoj që pas përfundimit të unazes që do të bëhet afër rrugës "Ahmet Shtimja" edhe komunikacioni do të lirohet.

Qemajl Aliu: Falemnderit profesor edhe për pyetjet edhe për kontributin tënd si asambleist i qeverisjes tonë. Pastërtia ju e dini që është problematikë për të gjithë qytetet, ne kemi trashëguar një gjendje shumë të rëndë, jemi munduar të bëjmë hapa edhe në themelimin e një kompanie publike që do të ulë hargjimet por edhe të jetë më efikase në mirëmbajtjen e qytetit por edhe do të krijojë prespektivë për disa vende të reja të punës, por deri sa të arrijmë atje po mundohemi që me kontrata pra me operatorë të tjerë. Kompania "Pastërtia" ju e dini që është kompani regjionale dhe i ka problematikat e vetë nga pak ka edhe ndikime politike që neve si Shtime na hakmirret dhe jemi dëshmitarë, diçka pra që nuk duhet të ndodh. Janë pikërisht ata qytetarë ndoshta që i kanë të ardhurat më mirë, hezitojnë t'a paguajnë dhe kryesisht mbeturinat i hedhin në mënyrë ilegale dhe në prona publike.

Sa u takon shtyllave elektrike, ku e dini që KEDS është kompani private dhe jemi duke pastur shumë probleme, ata janë rigoroz në mbledhjen e të hyrave për energji elektrike, ndërsa kur të vie puna të investojnë janë më dorështrënguar. Këtë problem e kemi adresuar deri në nivelet më të larta.

Ndërsa në pyetjen tjetër për QMF-në, në Muzeqinë është një nga qendrat më të mëdha që mbulon një teritor mjaft të madh, vitin e ardhshëm do t'i nënshtrohet një konstruksioni si nga mbrenda por edhe hapësirës jashtë dhe besoj që do të trajtohet komplet që nga shtrati i lumit, oborri i QMF-së, oborri i qerdhës e deri te këndi që do të bëhet një park, pra do të jetë një segment i trajtuar në të gjitha dimensionet.

Sinjalizimi në shumë rrugë dhe rrugica nuk mungon, por ka edhe vende ku mungon dhe jemi në proces të kontratës. Ju e dini që vitin e kaluar kemi bërë sinjalizim, sidomos në qytet por do të punojmë edhe këtë vit sapo të lidhet kontrata.

Behar Sejda: Kryetar kur do të hapet dega e Gjykatës Themelore të Ferizajt në Shtime, pasi kjo do të punësonte edhe shumë jurista nga Komuna e Shtimes dhe do të ishte një ndihmesë shumë e madhe.

Pyetja e dytë, kur do të zgjatet orari i barnatoreve që të parktën të punojnë deri në orët e vona.

Qemajl Aliu: Sa i takon degës së gjykatës, të jeni të bindur që ndoshta mbi 20 herë për këtë temë jam takuar me ministren e drejtësisë Albulena Haxhiun, por edhe te Këshilli Gjygjësor, kemi dërguar edhe kërkesë zyrtare dhe jam takuar personalisht dhe në këtë aspekt janë shumë skeptik, kanë një strategji që edhe në qytetet e ngjajshme që janë sikurse Shtimja, sipas të dhënave dhe statistikave ato prodhojnë procese gjygjësore të deformiara dhe në provinca është problem për shkak të njohjeve dhe afërsive me nda drejtësi të mirëfillt.

Barnatoret deri në orën 2 pas mesnate zakonisht funksionojnë dhe është orari strikt, por nëse ndonjë barnatore nuk i përgjigjet kësaj liste posa kanë njoftuar qytetarët ajo është hequr nga lista dhe është gjobitet, tani është krijuar njëfar rregulli.

Nëse nuk ka pyetje të tjera, unë ju falenderoj secilin prej jush që ishit sot këtu edhe për kohën edhe për prezencën e juaj.


Mirëupafshim në takimet e tjera!


Mbledhja ka përfunduar në ora 16:25

Procesmbajtës:

Vlora Hyseni







**LISTA E PJESËMARRËSVE NË TAKIMIN PUBLIK TË KRYETARIT TË KOMUNËS SË
SHTIMES, QEMAJ ALIUT ME QYTETARË**

Shtime, më 28 qershor 2024 (e premte)

Nr.	Emri dhe mbiemri	Institucioni	Nënshkrimi
1	Lirije Reshau	Komuna Shtime	
2	Lummi Ahn	Komuna Shtime	
3	Lulzim Myhamem	Komuna Shtime	
4	Gentiana Mehmeti	Komuna Shtime	
5	Shpetim CASHI	K.K. Shtime	
6	QAZIM ASKANI	SHTIM	
7	Ilir FEJZULLAHU	Komuna Shtime	
8	Bujar Ferat	Komuna Shtime	
9	Abdulah Guri	Komuna Shtime	
10	Aben Topalli	Komuna Shtime	
11	SHUPE BASHA	K. SHTIME	
12	Shkurt Ferat	K. Shtime	
13	Tringa RUSHITI	K.K. OKA	
14	Gazmend Aliu	K.K	
15	Bayrush Rahmani	ZK	
16	VISAR TERSHANI	K. SHTIME	
17	Leunite Ahmeti	K. SHTIME	
18	Desarta Ademaj	K. SHTIME	

19	Muhamet Shkollari	Radio, Fieri: Yllari	
20	Muhamet Domiri	-Shtime	
21	SHAIPIRIM HYSINI	KOMUNA SHTIME	
22	FLAMUR MUHADIM		F.M
23	REFKI KADRIU	RM	
24	SANIJE SADIKI	KESHITALARG	Jam
25	Alma Haxhija	Qytetare	
26	Qazim Ademaj	Policia e Kosoves	
27	Muhamet Ademaj	Andar i kuvendit me yllim	
28	Foold Bunjoku	Q.P.S.	
29	HYSEN HOKHA	KOMUNA SHTIME	Hok & H.
30	Skender Dauti	K. P. S.	
31	DONIKA ZEJRI	KOMUNA SHTIME	
32	KADRI EMINI	K.K - SHTIME	
33	Sajet Brahman	KOMUNA SHTIME	
34	Gëzim Haxhiu	ASAMBLEIST	
35	Bashkim Rushiti	Drejtor	
36	Valon Jomuzi	DREJTOR	
37	KASTRIOT JATRAP	DREJTOR	
38	ROBERT BATHANU	DREJTOR	
39	Feride Rexha	Ud. del yllorosa	
40	ALBANA FALIU	Drejtoreshë	Hokan
41	IGROJTAB EMINI	Drejtor	